


唐文粹

第一册



唐文粹卷第十八

吳興姚 鉉纂

詩王 括一百三十六首

古調歌篇九

感寓五十

感寓詩三十八首

陳子昂

感寓七首

張九齡

感寓

權德輿

效陳拾遺感寓二首

司空圖

古意二首

孫邵

詠史二十一

詠史十一首

李華

詠史高適

詠史二首

釋皎然

詠史二首

劉禹錫

詠史四首

盧照鄰

讀李斯傳

曹鄴

慨嘆三十五

出關作

魏徵

龍右途中遭非語

員半千

書懷

劉幽求

自紀

皇甫松

贈友人

呂溫

贈韓愈二首

孟郊  
贈喬林劉脊虛

寄唐生白居易

華下司空圖

傷時二首

孟雲卿  
封邱作高適

司空圖

街西居三首

姚合

效陳拾遺子昂

司空圖

感時

元稹

夜坐

張說

無可奈何歌

白居易

逢白公

元稹

感懷

費冠卿

贈崔純亮

孟郊  
古之奇

客喜

賈島

有所思

朱之問

秦人謠

古之奇

時興

楊賀

聞砧有感

呂溫

野田行

于鵠

贈馮宿

李觀

偶然作二首

呂溫

及第後荅潼關主人

朝飢

賈島

九日酬顧少府

高適

## 感物十六

觀玉篇

陳子昂

素絲

陸龜蒙

李都尉古劍

白居易

廢琴

張籍

廢瑟詞

張籍

說劍

元稹

春桂問答二首

王績

養鷺詞

劉禹錫

對菊

賈島

直鉤吟

盧仝

競渡

元稹

見牧牛人擔青草

張

道州觀野火

呂溫

諭贊二首

元稹

春感八

送春曲三首

劉禹錫

衡州春早二首

呂溫

尋人偶題

邵眞

題花樹

楊衡

惜花

陸龜蒙

秋感六

秋曰

耿緝

秋夕懷遠

孟郊

蟋蟀詩

羅隱

秋思

司空圖

在郡秋懷二首

張九齡

感寓詩三十八首

陳子昂

微月生西海，幽陽始化昇。  
圓光正東滿，陰魄已朝凝。  
太極生天地，三元更廢興。  
至精諒斯在，三五誰能徵。

蘭若生春夏，芊蔚何青青。  
幽獨空林色，朱蕤冒紫莖。  
遲遲白日晚，嫋嫋秋風生。  
歲華盡搖落，芳意竟何成。

蒼蒼丁零塞，今古繩荒途。  
亭堠何摧兀，暴骨無全軀。  
黃沙莫南起，白日隱西隅。  
漢甲三十萬，曾以事匈奴。  
但見沙場死，誰憐塞上孤。

樂羊爲魏將食子殉軍功骨肉且相薄他人安得忠吾聞山中相  
乃屬放麿翁孤獸猶不忍況以奉君終

市人矜巧智於道若童蒙傾奪相夸侈不知身所終曷見玄真子  
觀世玉壺中杳然遺天地乘化入無窮

吾觀龍變化乃知至陽精石林何冥密幽洞無留行古之得仙道  
信與元化并玄感非象識誰能測淪冥世人拘目見酣酒笑丹經  
岷嶧有瑤樹安得采其英

白日每不歸青陽時暮矣茫茫吾何思林卧觀無始衆芳委時晦  
鶴鳩悲鳴耳鴻荒古已頽誰識巢居子

吾觀岷嶧化日月淪洞冥精魄相交構天壤以羅生仲尼推太極  
老聃貴窈冥西方金仙子崇議乃無明空色皆寂滅業緣定何成  
名教信紛籍死生俱未停

聖人祕元命懼世亂其真如何嵩公輩詖譎誤時人先天誠爲美  
階亂禍誰因長城備胡寇贏禍發其親亦精既迷漢子年何救秦

云去桃李花多言死如麻

深居觀元化俳然爭朶頤羣動相啖食利害紛騷騷便便夸毗子  
榮耀更相持務光讓天下商賈競刀錐已矣行采芝萬世同一時  
吾愛鬼谷子青谿無垢氣囊括經世道遺身在白雲七雄方龍鬪  
天下久無君浮榮不足貴導養晦時文舒可彌宇宙卷之不盈分  
豈徒山木壽空與麋鹿羣

呦呦南山鹿離罟以媒和招搖青桂樹幽蠹亦成科世情甘近習  
榮耀紛如何怨憎未相復親愛生禍羅瑤臺傾巧笑玉杯殞雙蛾  
誰見孤城樹青青成斧柯

林居病時久水木澹孤清閑臥觀物化悠悠念無生青春始萌達  
朱火已滿羸殂落方自此感歎何時平

臨歧泣世道天命良悠悠昔日殷玉宇玉馬遂朝周寶鼎淪伊穀  
瑤臺成故邱西山傷遺老東陵有故侯  
貴人難得意賞愛在須臾莫以心如玉採他明月珠昔稱天桃子

今爲春市徒鴟鴞悲東國麋鹿泣姑蘇誰見鴟夷子扁舟去五湖  
聖人去已久公道繙良難蚩蚩夸毗子堯禹以爲謾驕榮貴工巧  
勢利遞相干燕王尊樂毅分國願同歡魯連讓齊爵遺組去邯鄲  
伊人信往矣感激爲誰歎

幽居觀大運悠悠念羣生終古代興沒豪聖莫能爭三季淪周赧  
七雄滅秦嬴復聞赤精子提劒入咸京炎光旣無象晉魯復縱橫  
堯禹道已昧昏虐勢方行豈無當世雄天道與胡兵咄咄安可言  
時醉而未醒仲尼溺東夏伯陽遁西溟大運自古來旅人胡歎哉  
逶迤世已久骨鯁道斯窮豈無感激者時俗頹此風灌園何其鄙  
皎皎於陵子世道不相容嗟嗟張長公

聖人不利已憂濟在元元黃屋非堯意瑤臺安可論吾聞西方化  
清淨道彌敦奈何窮金玉彫刻以爲尊雲構山林盡瑤圖珠翠煩  
鬼功尙未可人力安能存夸愚適增累矜智道逾昏  
玄天幽且默羣議曷嗤嗤聖人教猶在世運久陵遲一繩將何繫

夢醉不能持去行采芝勿爲塵所欺  
蜻蛉遊天下與世本無患飛飛未能止黃雀來相干穰侯富秦寵  
金石比交歡出入咸陽裏諸侯莫敢言寧知山東客激怒秦王肝  
布衣取示相干裁爲辛酸

微霜知歲晏斧柯始青青況乃金天夕浩露霑羣英登山望宇宙  
白日已西溟雲海方蕩盪孤鱗安得寧

翡翠巢南海雄雌珠樹林何如美人意驕愛比黃金殺身炎洲裏  
委羽玉堂陰旖旎光首飾歲華爛錦衾豈不在遐遠虞羅忽見尋  
多材信爲累歎息此珍禽

翠瓶者誰子妖服當青春三五明月滿盈盈不自珍高堂委金玉  
微縷懸千鈞如何負公鼎被奪笑時人

玄蟬號白露茲歲已蹉跎羣物從大化孤英將奈何瑤臺有青鳥  
遠食玉山禾崕崐見玄鳳嵒復虞雲羅  
荒哉穆天子好與白雲期宮女多怨曠層城閉蛾眉日耽瑤臺樂

豈傷桃李時青苔空萎絕白髮生羅帷

朝發宣都渚浩然思故鄉故鄉不可見但見巫山陽巫山彩雲沒  
高邱正微茫佇立望已久涕淚霑衣裳豈茲越鄉感憶昔楚襄王  
朝雲無處所荆國亦淪亡

昔日章華晏荆王樂荒淫霓旌翠羽蓋射光雲夢林竭來高堂觀  
悵望陽雲岑雄圖今何在黃雀空哀吟

丁亥歲云暮西山事甲兵贏糧市邛道荷戟爭羌城嚴令陰風勁  
窮岫油雲生昏黷無晝夜羽檄復相驚攀躅競萬仞崩危遠九冥  
藉藉峯壑裏哀哀冰雪行聖人御宇宙聞道太階平肉食謀何失  
葵藿繩縱橫

可惜瑤臺樹灼灼佳人姿碧華映朱實攀折青春時豈不盛光寵  
榮君白玉墀但恨紅芳歇凋傷感所思

竭來豪遊子勢利禍之門如何蘭膏歎感激自生怨衆趨明所避  
時棄道猶存雲泉旣已失羅網與誰論箕山有高節湘水有清源

唯應白鷗鳥可爲洗心言  
索居獨幾日炎夏忽然衰陽彩皆陰翳親友盡睽違登山望不見  
涕泣久漣渢宿夢感顏色若與白雲期世中驕豪子驅逐正嗤嗤  
蜀山與楚水攜手在何時

金鼎合神丹世人將見欺飛飛騎羊子胡乃在蛾眉變化固幽類  
芳菲能幾時疲疴苦淪世憂病日侵淄眷然顧幽褐白雲空涕洟  
朔風吹海樹蕭條邊已秋亭上誰家子哀哀明月樓自言陰燕客  
結髮事遠遊赤丸殺公吏白刃報私讐避仇至海上被役此邊州  
胡鄉三千里遼水復悠悠每憤胡兵入常爲中國羞何知七十載  
白首未封侯

木爲貴公子平生實愛才感時思報國拔劒起蒿萊西馳丁令塞  
北上單于臺登山見千里懷古心悠哉誰言未忘禍磨沒成塵埃  
浩然坐何暮吾猶有蛾眉念與楚狂子悠悠白雲期時哉悲不會  
涕泣久漣渢夢登綏山穴南采巫江芝探元觀奇化遺世從雲螭

婉變將末矣感悟不見之

朝入雲中郡北望單于臺胡秦何密邇沙朔氣雄哉藉藉天驕子  
猖狂已復來塞垣無名將亭堠空崔嵬咄嗟吾何歎邊人塗草萊  
仲尼探元化幽鴻順陽和大運自盈縮春秋遞來過盲鶻忽號怒  
萬物相紛剝溟海皆震蕩孤鳳其如何

感寓七首

張九齡

蘭葉春葳蕤桂華秋皎潔欣欣此生意自爾爲佳節誰知林棲者  
聞風坐相悅草木有本心何求美人折  
幽林歸獨卧滯慮洗孤清持此謝高鳥因之傳遠情日夕懷空意  
人誰感至精飛沉理自隔何所慰吾誠

魚遊樂深池鳥棲欲高枝嗟爾蜉蝣羽薨薨亦何爲有生豈不化  
所感奚若斯神理日微滅吾心安得知浩歎楊朱子徒然泣路岐  
孤鴻海上來池潢不敢顧側見雙翠鳥巢在三珠樹矯矯珍木巔  
得無金丸懼美服患人指高明逼神惡今我遊冥冥弋者何所慕

吳越數千里夢寐今夕見形骸非我親衾枕卽鄉縣化蝶猶不識  
川魚安可羨海上有仙山歸期覽神變  
抱影吟中夜誰聞此歎息美人適異方庭樹銜幽色白雲愁不見  
滄海飛無翼鳳凰一朝來竹花此可食

漢上有游女求思安可得袖中一書札欲寄雙飛翼冥冥獨不見  
耿耿徒緘憶紫蘭秀空蹊皓露奪幽色馨香歲欲晚感歎情何極  
白雲在南山日暮長太息

感寓

權德興

殘雨倦欹枕病中時序分秋蟲與秋葉一夜隔窗聞虛室對搖落  
晤言無與羣冥心試觀化世故如絲棼但看鳶戾天豈見山出雲  
下俚徒擊節朱絃祕南薰椅梧秀朝陽上有威鳳文終待九成奏  
來儀瑞吾君

效陳拾遺子昂感寓二首

司空圖

高燕飛何捷啄害恣羣鵠人豈玩其暴華軒容爾居強欺自天稟

剛吐信吾徒乃知不平者矯世道終孤  
陽和含煦潤卉木競紛華當爲衆所悅私已汝何誇北里祕禮盜  
東園鎖名花豪奪乃常理笑君徒咄嗟

古意二首

擬梓州陳拾遺

孫邵

屈子生楚國七雄知其材介絜世不容跡合藏蒿萊道廢固命也  
瓢飲亦賢哉何事葬江魚空使後人哀  
魏禮段干木秦王乃止戈小國有其人大國奈之何賢哲信爲美  
兵甲豈云多君子戰必勝斯言聞孟軻

詠史十一首

李華

日照峴嶮上羽人披羽衣乘龍駕雲霧欲往心無違此山在西北  
乃是神仙國靈氣皆自然求之不可得何爲漢武帝精意偏羣山  
糜費巨萬計宮車終不還蒼蒼茂陵樹足以戒人間  
人生忠與義本以佐雍熙何意李司隸而當昏亂時古墳襄城野  
斜徑橫秋波况不禁樵採茅莎無子遺高標尚可仰精爽今何之

一忤中常侍銜冤誰見知常觀黨錮傳撫卷不勝悲  
文侯耽鄭衛一聽一忘殮白雪燕姬舞朱絃趙女彈淫聲流不返  
情蕩日無端獻歲受朝時鳴鐘醞百官兩牀陳管磬九奏殊未闌  
對此唯恐卧更能整衣冠

漢皇脩雅樂乘輿臨太學三老與五更天王親割牲一人調風俗  
萬國和且平單于驟款寒武庫欲銷兵文物此朝盛君臣何穆清  
至今墳壇下如有簫韶聲

蜀主相諸葛功高名亦尊驅馳十萬衆怒目瞰中原曹伯任公孫  
國忘身不存社宮久蕪沒白鴈猶飛翻勿言君臣合可以濟黎元  
爲蜀諒不易如曹難復論

秦滅漢帝興南山有遺老危冠揖萬乘幸得厭征討當君逐鹿時  
臣等已枯槁寧知市朝變但覺泉石好高卧三十年相看成四皓  
帝言翁甚善見顧何不早咸稱太子仁重義亦尊道側聞驪姬事  
申生不自保慙出商山雲竭來趨灑掃東宮成羽翼楚舞傷懷抱

後代無其人戾園滿秋草

六國韓最弱末年尤畏秦鄭生爲韓計且欲疲秦人利物可分社  
原情堪滅身咸陽古城下萬頃稻苗新

昂藏獮豸獸出自太平年亂代乃潛伏縱人爲禍愆常聞斷馬劒  
每壯朱雲賢身死名不滅塞風吹墓田精靈如有在幽憤滿松煙  
沂水春可涉泮宮映楊葉麗色異人間珊瑚搖珮環展禽桓獨處  
深巷生禾黍城上飛海雲城中暗春雨適來鳴珮者復是誰家女  
泥沾珠綴履雨濕翠毛簪電影閉蓮臉雷聲飛蕙心自言沂水曲  
采蘋兼采菉歸逕雖可尋天陰光景促憐君貞且獨願許君家宿  
徒勞惜衾枕子不顧雙蛾豔質誠可重淫風如禮何周王惑襄姒

城闕成陂池

巢許在嵩頽陶唐不得臣九州上洗耳一命安能親縣邈數千祀  
邱中誰隱淪朝遊公卿府夕是山林人蒲帛揚仄陋薜蘿爲增紳  
九重念入夢三事思降神且設庭中燎竈窺泉下鱗

漢時征百越楊僕將樓船幕府功未立江湖已騷然島夷非敢亂  
政暴地仍偏得罪因懷璧防身輒控弦三軍求裂土萬里詎聞天  
魏闕心猶在旗門首已懸如何得良吏一爲制方圓

詠史一首

高適

尚有綿袍贈應憐范叔寒不知天下士猶作布衣看

詠史二首

釋皎然

田氏門下客馮公衆中賤一朝市義還百代名獨擅始知下客不可輕能使主人功業成借問高車與珠履何如庇賤一書生  
獨負高世姿冥冥寄浮俗十子去不歸何人識荆玉簪春意不淺  
污跡身豈辱鸞鈛樂速遠蚪蟠甘筭束五噫謫且正可以見心曲

詠史二首

劉禹錫

驃騎非無勢少卿終不去世道劇頽波我心如砥柱  
賈生明王道衛綰工車戲同遇漢文時何人居貴位

詠史四首

盧照鄰

昔有平陵男姓朱名阿游直髮上衝冠壯氣橫三秋願得斬馬劒  
先斷佞臣頭天子玉檻折將軍丹血流捐生不肯拜視死其若休  
歸來教鄉里童蒙遠相求弟子數百人散在十二州三公不敢吏  
五鹿何能訶名與日月懸義與天壤傳何必疲執戟區區在封侯  
偉哉曠達士知命固不憂

季生昔未達身辱功不成髡鉗爲臺隸灌園變姓名幸逢滕將軍  
兼遇曹邱生漢祖廣招納一朝拜公卿百金孰云重一諾良匪輕  
廷議斬樊噲羣公寂無聲處身孤且直遭時坦而平丈夫當如此  
唯唯何足榮

大漢昔云季小人道遂振玉帛委闈尹斧鑽嬰搢紳邈哉郭先生  
卷舒得其真雍容謝朝廷譚笑獎人倫在晦不絕俗處亂不爲親  
諸侯不得友天子不得臣沖情甄負旣重價折角巾悠悠天下士  
相送洛橋津誰知仙舟上寂寂無四鄰

公業負奇志交結盡才雄良田四百頃所食常不充一爲侍御史